

## APPROBATIONES

PRIMÆ EDITIONIS.

Præsens opusculum, cuius titulus: Sacerdos devote celebrans, juxta decretum Concilii Tridentini De editione librorum a duobus Theologis nostra Provinciae examinatum et approbatum, accende Ordinarii licentia, imprimi poterit.

Datum Mechlinie in Conventu FF. Min. Recoll. die 30 Decembris 1863.

Fr. Bernardus Van Loo, Min. Prov.

Imprimatur.

Mechlinie 6 Januarii 1866.

J. B. VAN HEMEL, VIC. GEN.

## APPROBATIONES

NOVÆ EDITIONIS.

Opus cuius titulus Sacerdos devote celebrans, ab A. R. P. Fr. Archangelo Vendrickx, Exprovinciali, compositum, noviter auctum et meliori ordine dispositum, servatis servandis, iterum typis mandari libentissime permittimus et omnibus Religiosis nostræ Provinciae Sacerdotibus enixe commendamus.

Datum Mechlinie in Conventu FF. Min. Recoll. die 22 Decembris 1881.

Fr. Victorinus Cartuyvels, Min. Prov.

Imprimatur.

Mechlinie, 25 Decembris 1881.

P. C. C. BOGAERTS, VIC. GEN.

Reimprimatur.

Mechlinie in Conventu Fratrum Min. die 8 Septembris 1899.

Fr. Venantius Jansen, Min. Prov.

Reimprimatur.

Mechlinie, 9 Septembris 1899.

H. J. DE CLERCK, VIC. GEN.

— 5 —

VENERABILIBUS

CHRISTI-DOMINI

SACERDOTIBUS.

Prima inter omnes functiones sacerdotales proculdubio est augustissimi Sacrificii Missæ oblatio, in qua Christus Dominus, verus Deus et Homo, cum Corpore et Sanguine, cum Anima et Divinitate vere adest; in cuius conspectu tremebundi assistunt angeli, provolvuntur throni et quem tota coelestis supplex adorat curia; proiu primaria Sacerdotis occupatio, quinimo et tota ejus vita, circa hujus sanctissimi Sacrificii contemplationem præcipue oportet versari, sive sese preparando ad illud per sedulas preces, sive pro eo peracto fervidas gratias agendo. Gratum ergo opusculum, in quo pulcherrimas orationes et meditationes ex variis piis libellis desumptas, in singulos mensis dies distributi; quibus, ut verbis utar piissimi Cardinalis Bona, si quis assueverit, a distractionibus præservari Deique amore facile poterit succendi. Libelli porro illi sunt: *Cardinalis Bona Tractatus asceticus* — *Memoriale vite Sacerdotalis*. — *Vade mecum piorum Sacerdotum, Vesuntione 1826*. — *Via Franciscana, Campidonio 1772*. — *Modus pie et devote celebrandi R. P. Justinelli, Coloniae 1724* — *Enchiridion piarum precum M. S. Verepæi, Antwerpie 1376* — *Veni mecum piorum Sacerdotum, Venetiis 1804* — *Preces ante et post Missam, Mechlinie 1826*. — *Methodus pie et devote celebrandi, Mechlinie 1747*. — *et Dies Sacerdotalis R. P. Auselmi Van Esch M. C. Luxemburgi 1759*.

Precibus his tum:ne tum post Missam præfixi MEDIATIONES DE PRÆCIPUIS IESU-CHRISTI IN EUCHARISTIA QUA-

LITATIBUS, *juxta exemplar Ipris impressum anno 1781.*  
Tandem subjunxi Orationes ad B. M. Virginem, progre-  
dientes juxta ordinem Litaniarum Lauretanarum, uti et  
invocationes ad S. Angelum Custodem et Santos quarum  
usum, ante et post Missam, ascetæ plurimum commen-  
dant.

His ergo utimini, Venerabiles Sacerdotes, et mei in  
Sacrificiis vestris dignemini esse memores.

Hæc scribebam in capite Prima Editionis : nunc autem  
addendum judico, hanc Alteram Editionem auctam et  
meliori ordine esse dispositam. Meditationes siquidem  
prædictas pro facilitate illorum, qui libentius his quam  
precibus vocalibus utuntur, ad calcem libri posui; multas  
preces, que sive ante sive post Missam in priore editione  
desiderabantur, addidi. Orationes ad B. M. Virginem et  
ad Santos amplificavi, et Precibus preparatoriis prefixi  
unam alteram sententiam sanctorum Patrum de Excel-  
lentia Sacrifici Missæ aut de Eminentia dignitatis Sacer-  
dotalis, que celebrantem ad devotionem excitare poterunt.

— 7 —

SUMMUS SACERDOS  
CHRISTUS-JESUS  
Piscatores hominum, sacerdotes mei,  
Præcones veridici, lucerna diei,  
Charitatis radio fulgentes et spei,  
Auribus percipite verba oris mei,

Vos in sanctuario mihi deservitis,  
Vos vocavi palmites, ego vera vitis,  
Cavete ne steriles aut inanes sitis,  
Si mecum perpetuo vivere velitis.

Vos estis Catholice legis protectores,  
Sal terre, lux hominum, ovium pastores,  
Muri domus Israël, morum correctores,  
Vigiles Ecclesie, gentium doctores.

Si legis protectio cadat, lex labetur,  
Si sal evanuerit, in quo salietur ?  
Nisi lux appareat, via nescietur ;  
Et ni pastor viglet, ovile frangetur.

Vos cœpistis vineam meam procurare,  
Hanc doctrinæ rivulis debetis rigare,  
Spinas atque tribulos prorsus extirpare,  
Ut radices fidei possit germinare.

Vos estis in area boves triturantes,  
Prudenter a palea grana separantes,  
Vos habent pro speculo legem ignorantes  
Populi, qui fragiles sunt et inconstantes.

Quidquid vident laici vobis displicere,  
Dicent procul dubio sibi non licere ;  
Et quidquid vos opere vident adimplere,  
Credunt esse licitum et culpa carere.

Cum pastores ovium sitis constituti,

Non estote desides, sicut canes muti,  
Vobis non deficiant latratus acuti ;  
Lupus rapax invidet ovium saluti.

Grex fidelis triplici cibo sustentetur ;  
Meo sacro corpore, quo grex adaugetur :  
Sermonis compendio, quod discrete detur ;  
Ciboque corporeo, ne periclitetur.

Ovibus tenemini vestris praedicare ;  
Sed quid, quibus, qualiter, ubi, quando, quare,  
Debetis sollicitate praeconsiderare ;  
Ne quis in officio dicat vos errare.

Vestra conversatio sit religiosa,  
Munda conscientia, vita virtuosa,  
Regularis habitus, mensque gratiosa,  
Nulla vos coquinet labes criminosa.

Templum vestrum niteat semper venerandum ;  
Sit in Tabernaculo mei adorandum  
Sacramentum Corporis, luce luminandum,  
Paratum Viaticum ægris ministrandum.

Nullus fastus elevet ad id quod non estis,  
Gravis in intuitu habitus sit testis,  
Nil vos illaqueat curis dishonestis,  
Quibus claves traditæ sunt regni colestis.

Estote breviloqui, ne vos ad reatum  
Pertrahat loquacitas, nutrix vanitatum :  
Verbum quod loquimini, sit abbreviatum ;  
Nam in multiloquio non deest peccatum.

Estote benevoli, sobri, prudentes,  
Justi, casti, simplices, pii, patientes,  
Hospitales, humiles, subditos docentes,  
Consolantes miseros, pravos corrigentes.

Quod si sic gesseritis curam pastorem,  
Vereque vixeritis vitam spiritalem,  
Postquam exueritis chlamydem carnalem,  
Ipse vobis conferam stolam immortalē.

Timidum est, nolidiq; belissime Toscane-a-Kembrie  
Cupisti, quis nec sine deo boates sum in missis suis  
autem est, nec postea luminatur, dum postea sum  
propter opertum intermissione est de 600. LPI. ab illa. § 35.

EX MISERICORDIA DOMINI

O Sacerdos ! quis es tu ?  
Non es a te, quia de nihilo.  
Non es ad te, quia mediator ad Deum.  
Non es tibi, quia sponsus Ecclesie.  
Non es tui, quia servus omnium.  
Non es tu, quia Deus es.  
Quid ergo es ? nihil et omnia !

O Sacerdos !  
in pietate proligue, inde se  
esse baptizatum, ibique dum concilio aperte agitur illi  
propositis suis ibi locutus recessit, non sine dubio primo  
ibique sibi in nomine Domini. Quare, scilicet in pietate  
iste titulus baptizatus, sive enim in pietate isti bapti  
missus, Ihesus ipsius Secundum dicitur quoniam ex mortuis  
resuscitatum beatitudinem dicitur secundum ex mortuis.

Beatus vir  
et bonus homo, qui in loco  
quoniam posuit.  
Ecclesia huiusmodi, ut libenter videatur in Christum, et ad eum adorandum in Sion.  
Dominus Deus eius, et in Christum orationem suam  
auribus percipit. Dominus Iacobus  
Protector noster a deo. Deus, et responde in faciem  
Christi tui.



Timendum est, inquit piissimus Thomas-a-Kempis, quod multi ideo parvum fructum accipiāt de mensa Christi, quia nec ante nec postea sunt in sufficienti custodia sui; nec satis reverenter præcogitant, quis est, qui venturus est, nec postea ruminant, quia hodie *Sanctus Sanctorum* ingressus est ad eos. Lib. de sil. § 25.

« Volumus » ait Illustrissimus Archiepiscopus Mechliniensis Humbertus-Guilhelmus a Precipiano in sua gravissima et elegantissima Epistola Pastorali anni 1700, « Volumus, ut Sacerdotes omnes peracta Missa, nisi forte velox charitas, aliave res gravis momenti, qua moram non fert, eos alio avocet, aliquamdiu pro summi beneficii munere Deo gratias agant vel in sacrario vel etiam in ipso templo. Quippe laici, qui hac in parte plerumque religiosiores videntur esse, non leviter scandalizantur, quando vident Sacerdotes, peracto sacrificio continuo in plateas prodire, neque adeo, sicut debent, imitatores esse apostolorum, utpote qui e cœnaculo ubi divino illo Eucharistiae epulo recreati fuerant, non ante quam hymno dicto, exierunt in montem Oliveti. Solus proditor Judas, iste filius perditionis, ante exivit et introiverat in eum satanas. Talem habent Sacerdotes isti præproperi sui post Eucharistiam perceptam discessus ducem et auctorem. »

Verbum tuum in os meum  
Nam in te speravi  
Beatus vir qui  
Hospitalis cuiuslibet  
Causa anima misericordia  
Quod si hic gressoribus curam pastor alien  
Venerque fratris vita spiritualis  
Postquam exanguis ejusdem carnalem  
Ipsa vox confitam studiorum immortalem.

## PRÆPARATIO AD MISSAM

PRO OPPORTUNITATE SACERDOTIS FACIENDA,  
EX MISSALI ROMANO.

Aña. Ne reminiscaris, Domine, delicta nostra vel parentum nostrorum, neque vindictam sumas de peccatis nostris. Tempore Paschali additur Alleluia. Hæc antiphona in festis duplicibus duplicatur.

Psalmus LXXXIII.

Quam dilecta tabernacula tua, Domine virtutum: concupiscit et deficit anima mea in atria Domini.

Cor meum et caro mea, exultaverunt in Deum vivum.

Etenim passer invenit sibi domum; et turtur nidum sibi, ubi ponat pullos suos.

Altaria tua, Domine virtutum; Rex meus et Deus meus.

Beati qui habitant in domo tua, Domine: in secula saeculorum laudabunt te.

Beatus vir, cuius est auxilium abs te: ascensiones in corde suo dispositus, in valle lacrymarum, in loco quem posuit.

Etenim benedictionem dabit legislator, ibunt de virtute in virtutem; videbitur Deus deorum in Sion.

Domine Deus virtutum, exaudi orationem meam: auribus percipe, Deus Jacob.

Protector noster aspice, Deus; et respice in faciem Christi tui.

Quia melior est dies una in atriis tuis, super  
millia.

Elegi abjectus esse in domo Dei mei ; magis quam  
habitare in tabernaculis peccatorum.

Quia misericordiam et veritatem diligit Deus ;  
gratiam et gloriam dabit Dominus.

Non privabit bonis eos, qui ambulant in innocentia :  
Domine virtutum, beatus homo qui sperat in te.  
Gloria Patri, etc.

Psalmus LXXXIV.

Benedixisti Domine terram tuam : avertisti capti-  
vitatem Jacob.

Remisisti iniquitatem plebis tuæ ; operuisti omnia  
peccata eorum.

Mitigasti omnem iram tuam : avertisti ab ira in-  
dignationis tue.

Converte nos, Deus salutaris noster : et averte  
iram tuam a nobis.

Numquid in æternum irasceris nobis ; aut exten-  
des iram tuam a generatione in generationem ?

Deus, tu conversus vivificabis nos : et plebs tua  
lætabitur in te.

Ostende nobis, Domine, misericordiam tuam ; et  
salutare tuum da nobis.

Audiam quid loquatur in me Dominus Deus : quo-  
niam loquetur pacem in plebem suam.

Et super sanctos suos : et in eos qui convertuntur  
ad cor.

Verumtamen proptimes eum salutare ipsius :  
ut inhabitet gloria in terra nostra.

Misericordia et veritas obviauerunt sibi : justitia  
et pax osculatæ sunt.

Veritas de terra orta est : et justitia de celo pro-  
spexit.

Etenim Dominus dabit benignitatem : et terra  
nostra dabit fructum suum.

Justitia ante eum ambulabit : et ponet in via gres-  
sus suos.

Gloria Patri, etc.

Psalmus LXXXV.

Inclina, Domine, aurem tuam et exaudi me : quo-  
niā inops et pauper sum ego.

Custodi animam meam, quoniam sanctus sum :  
salvum fac servum tuum, Deus meus sperantem  
in te.

Miserere mei, Domine, quoniam ad te clamavi tota  
die : lætifica animam servi tui, quoniam ad te, Do-  
mine, animam meam levavi.

Quoniam tu, Domine, suavis et mitis, et multæ  
misericordie omnibus invocantibus te.

Auribus percipe, Domine, orationem meam : et  
intende voci deprecationis meæ.

In die tribulationis meæ clamaui ad te : quia  
exaudisti me.

Non est similis tui in diis, Domine : et non est  
secundum opera tua.

Omnes gentes quascumque fecisti venient, et ado-  
rabitur coram te Domine : et glorificabunt nomen  
tuum.

Quoniam magnus es tu, et faciens mirabilia : tu  
es Deus solus.

Deduce me, Domine, in via tua et ingrediar in ve-  
ritate tua : lætetur cor meum, ut timeat nomen  
tuum.

Confitebor tibi, Domine, Deus meus, in toto corde  
meo, et glorificabo nomen tuum in æternum.

Quia misericordia tua magna est super me : et  
eruisti animam meam ex inferno inferiori.

Deus, iniqui insurrexerunt super me : et synagoga potentium quæsierunt animam meam, et non proposuerunt te in conspectu suo.

Et tu, Domine Deus, miserator et misericors : patiens et multæ misericordiæ et verax.

Respic in me et miserere mei, da imperium tuum pueru tuo ; et salvum fac filium ancillæ tue.

Fac mecum signum in bonum, ut videant qui oderunt me, et confundantur : quoniam tu, Domine, adjuvisti me et consolatus es me.

Gloria Patri, etc.

Psalmus CXV.

Credidi, propter quod locutus sum : ego autem humiliatus sum nimis.

Ego dixi in excessu meo : Omnis homo mendax.

Quid retribuam Domino : pro omnibus quæ retribuit mihi ?

Calicem salutaris accipiam : et nomen Domini invocabo.

Vota mea Domino reddam coram omni populo ejus : pretiosa in conspectu Domini mors sanctorum ejus.

O Domine, quia ego servus tuus ; ego servus tuus et filius ancillæ tue.

Dirupisti vincula mea, tibi sacrificabo hostiam laudis ; et nomen Domini invocabo.

Vota mea Domino reddam in conspectu omnis populi ejus : in atriis domus Domini, in medio tui Ierusalem.

Gloria Patri, etc.

Psalmus CXXIX.

De profundis clamavi ad te, Domine : Domine exaudi vocem meam.

Fiant aures tuæ intendentæ : in vocem deprecationis meæ.

Si iniuriantes observaveris, Domine : Domine quis sustinebit ?

Quia apud te propitiatio est : et propter legem tuam sustinui te, Domine.

Sustinuit anima mea in verbo ejus : speravit anima mea in Domino.

A custodia matutina usque ad noctem : speret Israel in Domino.

Quia apud Dominum misericordia : et copiosa apud eum redemptio.

Et ipse redimet Israël, ex omnibus iniuriatibus ejus.

Gloria Patri, etc.

Deinde repetitur Antiphona.

Ne reminiscaris, Domine, delicta nostra vel parentum nostrorum, neque vindictam sumas de peccatis nostris.

Tempore Paschali additur : Alleluia.

Deinde Sacerdos dicit :

Kyrie eleison. Christe eleison. Kyrie eleison. Pater noster.

y. Et ne nos inducas in temptationem.

R. Sed libera nos a malo.

y. Ego dixi : Domine miserere mei.

R. Sana animam meam, quia peccavi tibi.

y. Convertere, Domine, aliquantulum.

R. Et deprecare super servos tuos.

y. Fiat misericordia tua, Domine, super nos.

R. Quemadmodum speravimus in te.

y. Sacerdotes tui induantur justitiam.

R. Et sancti tui exultent.

y. Ab occultis meis munda me, Domine.

¶. Et ab alienis parce servo tuo.  
¶. Domine, exaudi orationem meam.  
¶. Et clamor meus ad te veniat.  
¶. Dominus vobiscum.  
¶. Et cum spiritu tuo.

Oremus.

Aures tuæ pietatis, mitissime Deus, inclina precibus nostris; et gratia Sancti Spiritus illumina cor nostrum, ut tuis mysteriis digne ministrare, teque æterna charitate diligere mereamur.

Deus, cui omne cor patet et omnis voluntas loquitur, et quem nullum latet secretum: purifica per infusionem Sancti Spiritus cogitationes cordis nostri, ut te perfecte diligere et digne laudare mereamur.

Ure igne Sancti Spiritus renes nostros et cor nostrum, Domine: ut tibi casto corpore serviamus et mundo corde placamus.

Mentes nostras quæsumus Domine, Paraclytus, qui a te procedit, illuminet; et inducat in omnem, sicut tuus promisit Filius, veritatem.

Adsit nobis, quæsumus Domine, virtus Spiritus Sancti, quæ et corda nostra clementer expurget et ab omnibus tueatur adversis.

Deus, qui corda fidelium Sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere.

Conscientias nostras, quæsumus Domine, visitando purifica: ut veniens Dominus noster Jesus-Christus, Filius tuus, paratam sibi in nobis inveniat mansionem: Qui tecum vivit et regnat, in unitate Spiritus Sancti Deus, per omnia secula seculorum. Amen.

ORATIONES  
PRO OPPORTUNITATE SACERDOTIS ANTE  
CELEBRATIONEM DICENDE.

Oratio Sancti Ambrosii Episcop.

Die Dominicæ.

Summe Sacerdos et vere Pontifex, Jesu-Christe, qui te obtulisti Deo Patri hostiam puram et immaculatam in ara Crucis pro nobis miseris et peccatoribus, et qui dedisti nobis Carnem tuam ad manducandum et Sanguinem tuum ad bibendum, et posuisti mysterium istud in virtute Spiritus Sancti tui, dicens: Hæc quotiescum feceritis, in mei memoria facietis. Rogo per eundem Sanguinem tuum, magnum salutis nostræ pretium: rogo per hanc miram et ineffabilem charitatem, qua nos miseros et indignos sic amare dignatus es, ut lavares nos a peccatis nostris in Sanguine tuo. Doce me servum tuum indignum, quem inter cætera dona tua etiam ad officium Sacerdotale vocare dignatus es. nullis meis meritis, sed sola dignatione misericordiae tue: doce me, quæso, per Spiritum Sanctum tuum, tantum tractare mysterium ea reverentia et honore, ea devotione et timore, quibus oportet et decet. Fac me per gratiam tuam semper illud de tanto mysterio credere et intelligere, sentire et firmiter tenere, dicere et cogitare, quod tibi placet et expedit animæ meæ. Intret Spiritus tuus bonus in cor meum, qui sonet ibi sine sono, et sine strepitu verborum loquatur omnem veritatem. Profunda quippe sunt nimis et sacro tecta velamine. Propter magnam clemenciam tuam concede mihi missarum solemnia mundo

corde et pura mente celebrare. Libera cor meum ab immundis et nefandis, vanis et noxiis cogitationibus. Muni me beatorum Angelorum pia et fida custodia ac tutela fortissima, ut hostes omnium bonorum confusi discedant. Per virtutem tanti mysterii, et per manum sancti Angeli tui, repelle a me et a cunctis servis tuis durissimum spiritum superbiae et coenodoxiae, invidiae et blasphemiae, fornicationis et immunditiae, dubietatis et diffidentiae. Confundantur qui nos persequuntur: pereant illi qui nos perdere festinant.

Feria II.

Rex virginum et amator castitatis et integratatis, celesti rore benedictionis tue extingue in corpore meo fomitem ardoris libidinis, ut maneat in me tenor castitatis corporis et animae. Mortifica in membris meis carnis stimulos omnesque libidinosas commotiones et da mihi veram et perpetuam castitatem cum ceteris donis tuis, quae tibi placent in veritate, ut sacrificium laudis casto corpore et mundo corde valeam tibi offerre. Quanta enim cordis contritione et lacrymarum fonte, quanta reverentia et tremore, quanta corporis castitate et animae puritate istud divinum et celeste Sacrificium est celebrandum, ubi Caro tua in veritate sumitur, ubi Sanguis tuus in veritate bibitur, ubi ima summis, terrena divinis junguntur, ubi adest sanctorum Angelorum praesentia, ubi tu es Sacrificium et Sacerdos mirabiliter et ineffabiliter constitutus!

Feria III.

Quis digne hoc Sacrificium celebrare poterit, nisi tu, Deus omnipotens, offerentem feceris dignum? Scio, Domine, et vere scio, et idipsum pietati tuae

confiteor, quia non sum dignus accedere ad tantum mysterium propter nimia peccata mea et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo, Deus meus, ut concedas mihi peccatori hoc Sacrificium celebrare cum timore et tremore, cum cordis puritate et lacrymarum fonte, cum laetitia spirituali et celesti gaudio. Sentiat mens mea dulcedinem beatissime praesentiae tuae et excubia sanc-torum angelorum tuorum in circuitu meo.

Feria IV.

Ego enim, Domine, memor venerande Passionis tue, accedo ad Altare tuum, licet peccator, ut offeram tibi Sacrificium, quod tu instituisti et offeri praecepisti in commemorationem tui pro salute nostra. Suscipe illud, quæso, summe Deus, pro Ecclesia sancta tua et pro populo quem acquisivisti Sanguine tuo. Et quoniam me peccatorem inter te et eumdem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditæ non recuses, nec per me indignum eorum salutis pereat pretium, pro quibus victima salutaris dignatus es esse, et redemptio. Profero etiam Domine (si digneris propitius intueri) tribulationes plebiuum, pericula populorum, captivorum gemitus, miserias orphanorum, necessitates peregrinorum, inopiam debilium, desperationes languentium, defectus senum, suspiria juvenum, vota virginum, lamenta viduarum.

Feria V.

Tu enim misereris omnium, Domine, et nihil odi-  
sti eorum quæ fecisti. Memorare quæ sit nostra sub-  
stantia, quia tu Pater noster es, quia tu Deus noster  
es; ne irascaris satis, neque multitudinem viscerum  
tuorum super nos contineas. Non enim in justificationibus  
nostris prosternimus preces ante faciem  
tuam, sed in miserationibus tuis multis. Aufer a  
nobis iniquitates nostras, et ignem Sancti Spiritus  
in nobis clementer accende. Aufer cor lapi-  
deum de carne nostra, et da nobis cor carneum quod  
te amet, te diligit, in te delectetur, te sequatur, te  
perfruatur. Oramus, Domine, clementiam tuam, ut  
sereno vultu familiam tuam, sacri tui nominis officia  
præstolantem, aspicere digneris; et ut nullius sit  
irritum votum, nullius vacua postulatio, tu nobis  
preces suggere, quas ipse propitiis audiire et exau-  
dere delecteris.

Feria VI.

Rogamus etiam te, Domine, Sancte Pater, et pro  
spiritibus fidelium defunctorum, ut sit illis salus,  
sanitas, gaudium et refrigerium hoc magnum pietatis  
Sacramentum. Domine, Deus meus, sit illis hodie  
magnum et plenum convivium de te, Pane vivo, qui  
de cœlo descendisti, et das vitam mundo, de tua  
Carne sancta et benedicta, Agni videlicet immacu-  
lati qui tollis peccata mundi, quæ de sancto et glo-  
rioso Beate Virginis Mariæ utero est assumpta et  
de Spiritu Sancto concepta; ac de illo pietatis fonte,  
qui per lanceam militis ex tuo sacratissimo latere  
emanavit, ut, exinde refecti et satiati, refrigerati et  
consolati, exultent in laude et gloria tua. Peto cle-  
mentiam tuam, Domine, ut descendat super Panem

tibi sacrificandum plenitudo tuæ benedictionis et  
sanctificatio tuæ Divinitatis. Descendat etiam, Do-  
mine, illa Sancti Spiritus tui invisibilis incompre-  
hensibilisque majestas, sicut quondam in Patrum  
hostias descendebat, qui et oblationes nostras Cor-  
pus et Sanguinem tuum efficiat, et me indignum  
Sacerdotem doceat tantum tractare mysterium cum  
cordis puritate et lacrymarum devotione, cum rever-  
entia et tremore, ita ut placide ac benigne susci-  
pias Sacrificium de manibus meis ad salutem om-  
nium tam vivorum quam defunctorum.

Sabbato.

Rogo etiam te, Domine, per ipsum sacrosanctum  
mysterium Corporis et Sanguinis tui, quo quotidie  
in Ecclesia tua pascimur et potamur, abluimur et  
sanctificamur, atque unius summæ Divinitatis parti-  
cipes efficimur, da mihi virtutes tuas sanctas, quibus  
repletus, bona conscientia ad Altare tuum accedam;  
ita ut hæc coelestia Sacraenta efficiantur mihi salus  
et vita. Tu enim dixisti ore tuo sancto et benedicto:  
«Panis, quem ego dabo, Caro mea est pro mundi vita.  
Ego sum Panis vivus, qui de cœlo descendit. Si quis  
manducaverit ex hoc Pane, vivet in æternum.» Panis  
dulcissime, sana palatum cordis mei, ut sentiam sua-  
vitatem amoris tui: sana illud ab omni languore, ut  
nullam præter te sentiam dulcedinem. Panis candi-  
dissime, habens omne delectamentum et omnem sa-  
porem, qui nos semper reficis et numquam in te defi-  
cis: comedat te cor meum, et dulcedine saporis tui  
repleantur viscera animæ meæ. Manducat te Angelus  
ore pleno, manducet te peregrinus homo pro modulo  
suo, ne deficere possit in via, tali recreatus viatico.  
Panis sancte, Panis vive, Panis munde, qui descen-  
disti de cœlo, et das vitam mundo, veni in cor meum,

et munda me ab omni inquinamento carnis et spiritus. Intra in animam meam, sana et munda me interiorius et exteriorius. Esto tutamen et continua salus animæ et corporis mei. Repelle a me insidiantes mihi hostes: recedant procul a praesentia potentiae tue, ut, foris et intus per te munitus, recto tramite ad tuum regnum perveniam, ubi non in mysteriis, sicut in hoc tempore agitur, sed facie ad faciem te videbimus, cum tradideris regnum Deo et Patri, et eris Deus omnia in omnibus. Tunc enim me de te satabis satietate mirifica, ita ut nec esuriam nec sitiām in æternum: Qui cum eodem Deo Patre et Spiritu Sancto vivis et regnas per omnia sæcula sæculorum. Amen.

**Oratio S. Bonaventurae.**

Ad mensam dulcissimi convivii tui, pie Domine Iesu Christe, ego peccator de propriis meis meritis nihil præsumens, sed de tua confidens misericordia et bonitate accedere vereor et contremisco: nam cor et corpus habeo multis criminibus maculatum, mentem et linguam non caute custoditam. Ergo, o piæ Deitas! o tremenda Majestas! ego miser, inter angustias deprehensus, ad te fontem misericordiæ recurro, ad te festino sanandus, sub tuam protectionem fugio; et quem Judicem sustinere nequeo, Salvatorem habere suspiro. Tibi, Domine, plagas meas ostendo, tibi verecundiam meam detego; scio peccata mea multa et magna, pro quibus timeo: spero in misericordias tuas, quarum non est numerus. Respice ergo in me oculis misericordiæ tuæ, Domine Iesu-Christe, Rex æterne, Deus et Homo, crucifixus propter hominem: exandi me sperantem in te, miserere mei pleni miseriis et peccatis; tu qui fontem miserationis numquam manare cessabis. Salve salutaris Victima, pro

me et omnium humano genere in patibulo Crucis oblata. Salve nobilis et pretiosa Sanguis, de vulneribus Crucifixi Domini mei Iesu-Christi profuens et peccata totius mundi abluiens. Recordare, Domine, creaturæ tue, quam tuo Sanguine redemisti. Poenitet me peccasse, cupio emendare quod feci. Aufer ergo a me clementissime Pater, omnes iniquitates et peccata mea, ut purificatus mente et corpore, digne degustare merear Sancta Sanctorum, et concede ut haec sancta prælibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio ac bonorum sensuum regeneratio, operumque tibi placentium salubris efficacia; animæ quoque et corporis contra inimicorum meorum insidias firmissima tutio. Amen.

**Oratio S. Thomæ Aquinatis.**

Omnipotens sempiterne Deus, ecce accedo ad Sacramentum Unigeniti Filii tui, Domini nostri Iesu-Christi: accedo tamquam infirmus ad medicum vitæ: immundus ad fontem misericordiæ; cæcus ad lumen claritatis æternæ; pauper et egenus ad Dominum cœli et terræ. Rogo ergo immense largitatis tue abundantiam, quatenus meam curare digneris infirmitatem, lavare foeditatem, illuminare cæcitatem, ditare paupertatem, vestire nuditatem, ut Panem Angelorum, Regem regum et Dominum dominantium tanta suscipiam reverentia et humilitate, tanta contritione et devotione, tanta puritate et fide, tali proposito et intentione, sicut expedit saluti animæ mee. Da mihi, quæso, Dominicæ Corporis et Sanguinis non solum suscipere Sacramentum, sed etiam rem et virtutem Sacramenti. O mitissime Deus, da mihi Corpus Unigeniti Filii tui,

Domini nostri Jesu Christi, quod traxit de Virgine Maria, sic suscipere, ut corpori suo mystico merear incorporari et inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari: Qui tecum vivit et regnat in unitate Spiritus Sancti Deus, per omnia secula seculorum. Amen.

*His precibus Missalis Romani utiliter sequentes addi poterunt.*

Ego volo celebrare Missam et confidere Corpus et Sanguinem Domini nostri Jesu Christi, juxta ritum sanctæ Romanæ Ecclesie ad laudem omnipotentis Dei totiusque curiæ triumphantis, ad utilitatem meam totiusque curiæ militantis; pro omnibus, qui se commendaverunt orationibus meis, in genere et in specie ac pro felici statu sanctæ Romanæ Ecclesie. Amen.

Gaudium cum pace, emendationem vitæ, spatiū verè poenitentia, gratiam et consolationem Sancti Spiritus, perseverantiam in bonis operibus tribuat nobis omnipotens et misericors Dominus. Amen.

Gregorius XIII concessit indulgentiam 50 annorum cuilibet Sacerdoti prædictam orationem ante Missam recitanti. Illi orationi adjungi potest Cardinalis Baronii, aliorumque Virorum, sanctitatem eminentiam, devota praxis, in hunc modum:

Ego volo in hac Missa ex peculiari intentione, sumere Sanctissimum Eucharistiæ Sacramentum per modum Viatici; ea scilicet mente, ut, si mors ex improviso mihi accideret, Divino præcepto de hoc Sacramento in fine vitæ sumendo, a me foret satisfactum. In nomine Patris, et Filii, et Spiritus Sancti. Amen.

Memento vivorum.

1. Memento, Domine, mei, exprimat hic Sacerdos gratias et beneficia, quæ per Sanctum Sacrificium consequi intendit.)
2. Memento parentum meorum et amicorum viventium (Exprimi hic poterunt pater, mater, fratres, sorores, consanguinei, affines et amici celebrant.)
3. Omnium benefactorum in spiritualibus et temporalibus.
4. Omnium mihi commissorum in genere et in specie.
5. Omnium Sacerdotum et Ministrorum Ecclesiæ.
6. Omnium inimicorum meorum et eorum quibus fui occasio peccati.
7. Omnium haeticorum et infidelium ad conversionem.
8. Omnium, qui se commendarunt precibus meis, et omnium pro quibus sis et vis me debere orare.

Memento mortuorum.

1. Memento etiam, Domine, animarum parentum meorum defunctorum. (Exprimantur ut supra.)
2. Amicorum defunctorum.
3. Defunctorum benefactorum.
4. Defunctorum inimicorum.
5. Eorum defunctorum, quibus fui occasio peccati.
6. Eorum defunctorum, qui meis precibus sunt commendati.
7. Tandem illorum defunctorum pro quibus teneo et vis me orare, et orationibus meis præ cæteris indigent.

### Oratio ad B. V. Mariam.

O mater pietatis et misericordiae, beatissima Virgo Maria, ego miser et indignus peccator ad te confugio toto corde et affectu; et precor pietatem tuam, ut,

sicut dulcissimo Filio tuo in Cruce pendentibus adstisti, ita et mihi misero peccatori et Sacerdotibus omnibus hic et in tota sancta Ecclesia hodie offerentibus clementer assistere digneris; ut tua gratia adjuti, dignam et acceptabilem hostiam in conspectu summae et individuae Trinitatis offerre valeamus.

### Oratio ad S. Joseph.

Cum indulgentia 1 anni concessa a Pio VII.

O felicem virum, beatum Joseph, cui datum est Deum, quem multi reges voluerunt videre et non viderunt, audire et non audierunt, non solum videre et audire, sed portare, deosculari, vestire et custodire.

¶ Ora pro nobis, beate Joseph. ¶ Ut digni efficiamur promissionibus Christi.

Oremus

Deus, qui dedisti nobis regale Sacerdotium, praesta quæsumus, ut sicut beatus Joseph, unigenitum Filium tuum, natum ex Maria Virgine, suis manibus reverenter tractare meruit et portare: ita nos facias, cum cordis munditia et operis innocentia tuis sanctis Altaribus deservire; ut, sacrosanctum Filii tui Corpus et Sanguinem hodie digne sumamus, et in futuro saeculo præmium habere mereamur æternum. Per eundem Christum Dominum nostrum. Amen.

### Oratio ad Sanctum

Cujus eo die Missa legitur.

O Sancte N. ecce ego miser peccator de tuis meritis confusus, offero nunc sacratissimum Sacramen-

tum Corporis et Sanguinis Domini nostri Iesu Christi, pro tuo honore et gloria. Preco te humiliter et devote, ut pro me hodie intercedere digneris, ut tantum Sacrificium digne et acceptabiliter offerre valeam, ut eum tecum, et cum omnibus electis ejus, aeternaliter laudare atque cum eo regnare valeam: Qui vivit et regnat in saecula saeculorum. Amen.

## ORATIONES

DICENDÆ CUM SACERDOS INDUITUR

SACERDOTALIBUS PARAMENTIS.

Cum lavat manus, dicat:

Da, Domine, virtutem manibus meis ad abstergendam omnem maculam: ut sine pollutione mentis et corporis valeam tibi servire.

Ad Amictum, dum ponitur super caput dicat:

Impone, Domine, capiti meo galeam salutis, ad expugnandos diabolicos incursus.

Ad Albam, cum ea induitur:

Dealba me, Domine, et munda cor meum: ut in sanguine Agni dealbatus, gaudiis perfruar semper tenuis.

Ad Cingulum, dum se cingit:

Præceinge me, Domine, cingulo puritatis, et extingue in lumbis meis humorem libidinis: ut maneat in me virtus continentiae et castitatis.

*Ad manipulum, dum imponitur brachio sinistro :  
Merear, Domine, portare manipulum fletus et  
doloris : ut cum exultatione recipiam mercedem  
laboris.*

*Ad stolam, dum imponitur collo :*

Redde mihi, Domine, stolam immortalitatis, quam  
perdidi in prævaricatione primi parentis : et quam-  
vis indignus accedo ad tuum sacrum mysterium,  
merear tamen gaudium sempiternum.

*Ad casulam, cum assumitur :*

Domine, qui dixisti : Jugum meum suave est et  
onus meum leve : fac, ut istud portare sic valeam,  
quod consequar tuam gratiam. Amen.



## GRATIARUM ACTIO

### POST MISSAM.

*Antiphona.* Trium puerorum cantemus hymnum,  
quem cantabant sancti in camino ignis, benedicen-  
tes Dominum. *Tempore Paschali.* Alleluia. *Hæc an-*  
*tiphona in duplicibus duplicatur.*

### Canticum trium Puerorum.

Benedicite omnia opera Domini Domino ; laudate  
et superexalte eum in sæcula.

Benedicite angeli Domini, Domino ; benedicite  
cœli Domino.

Benedicite aquæ omnes, quæ super celosunt Do-  
mino : benedicite omnes virtutes Domini Domino.

Benedicite sol et luna Domino : benedicite stellæ  
cœli Domino.

Benedicite omnis imber et ros Domino : benedici-  
te omnes spiritus Dei Domino.

Benedicite ignis et æstus Domino ; benedicite fri-  
gus et æstus Domino.

Benedicite rores et pruina Domino : benedicite  
gelu et frigus Domino.

Benedicite glacies et nives Domino : benedicite  
noctes et dies Domino.

Benedicite lux et tenebræ Domino : benedicite  
fulgora et nubes Domino.

Benedic terra Dominum : laudet et superexalte  
eum in sæcula.

Benedicite montes et colles Domino : benedicite  
universa germinantia in terra Domino.

Benedicite fontes Domino : benedicite maria et  
flumina Domino.